

息除中天陀罗尼经 1 卷

No. 1347 [No. 1346]

息除中天陀罗尼经

西天北印度乌填曩国帝释宫寺三藏传法大师赐紫沙门臣施护奉 诏译

如是我闻。一时佛在殑伽河边。与大众俱及于护世四大天王多闻天王最为上首。

尔时世尊告四王言。有大怖畏深可厌患。汝等应知若男若女童男童女若人若天。我观中天生大怖畏。恒时烦恼各不相救。乃至老死甚大怖畏。而无穷尽。吾今为汝说救护法。实时会中四大天王。而白佛言世尊。我等今日于世尊前。闻此说已踊跃欢喜。以身命财奉于如来。愿佛哀愍为我演说。

尔时世尊一弹指间。面东而住说如是言南无十方。一切如来无上正等正觉。广大慈悲怜愍有情。彼皆证得阿耨多罗三藐三菩提。惟愿慈悲同共观察。着我有情与力加护。息除中天敷演解说。如是东西南北乃至上下。一切如来唱如是言。南无一切如来无上正等正觉。不舍慈悲而为众生。证得阿耨多罗三藐三菩提。惟愿慈悲同共观察着我有情敷演解说。

尔时诸佛同共证明。我今宣说救护怖畏息除难法。如是乃至第二法轮演说之时。此会众中皆获寿命色相具足。悉得离于生死怖畏而无中天。乃至老病亦复如是。

尔时十方一切诸佛。照见一一世界如来形像。如胡麻量遍满一切。又彼十方一一如来。同共发声乃说呪曰。

怛徧也(二合)他(去引一)左礼左擺(引)左礼(二)尾[宁*页]跏(杰固反)娑嚩(二合)悉底(二合)计(三)作讫[口*阑](二合引)嚩(引)尔曩(四)钵嚩(二合)舍满覩(五)萨嚩臬誡(引入六)阿曩矩曩注(准上切七)左[口*(隶-木+士)]左[口*(隶-木+士)](八)计么[宁*页]

设焰(二合九)儻么儻设也(二合十)儻咽么诗悉(十一)娇(居夭反引)啰尾曳(二合十二)咽矩啰[口*(隶-木+土)](十三)矩么底(十四)尾洒么(引)拈么拈(十五)尸数酰嚙(十六)阿左礼尾左礼(十七)么(引)尾览嚙(十八)母护母(转舌)护(十九)娑嚙(二合引)贺(二十)

尔时十方一切如来。说此秘密神呪已作如是言。一切如来无上正等正觉皆同此说。

尔时北方多闻天王而白佛言世尊。我今闻彼十方如来威神之力加持拥护。而无中天息除怖畏。面于佛前而说呪曰。

怛儻也(二合一)他(去引)湿吠(二合去)帝(二)湿吠(二合去)帝(三)里里里里(四)

尔时东方持国天王。即于佛前乃说呪曰。

拶哩拶哩娑嚙(二合引)贺(引)

尔时南方增长天王。在于佛前即说呪曰。

嚙(去引)梨嚙嚙嚙嚙

尔时西方广目天王。侍立佛前亦说呪曰。

么(去引)邓拟儻苏么(引)苏母苏母

尔时世尊告四天王言。今此神呪是一切佛证明观察。若有族姓男女等辈。昼夜受持志诚忆念。必获长命而无中天。命终之后不堕恶趣。若复有人利益有情。发诚谛心受持读诵。临命终时无诸怖畏。亦无变怪及诸恶相。于现在世又无白癞颠狂诸病。及离水火刀兵疾疫虫药等毒。乃至雷雹一切诸难皆悉远离。若是经典所在之处。十方诸佛及众菩萨悉皆来集。拥护是经令无障碍。若复有人于此经典。书写庄严护净转读。如造佛像种种严饰。所获功德而无有异。若复有人供养诸佛精心离慢。获吉祥福息除灾难。若有受持书写此经恒离懈怠。所获功德亦复如是。一切圣贤常恒拥护离诸灾患。尔时世尊说是经已。四大天王龙神八部阿苏啰等。及诸人天一切大众。闻法欢喜信受奉行。

息除中天陀罗尼经

【经文信息】大正藏第 21 册 No. 1347 息除中天陀罗尼经

【版本记录】CBETA 电子佛典 Rev. 1.8 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】
